

SKUPŠTINA KANTONA SARAJEVO

Z A P I S N I K

sa 38. Radne sjednice Skupštine Kantona Sarajevo, održane 05.03.2018. godine sa početkom rada u 10,00 sati

Sarajevo, mart 2018.

Predsjedateljica Skupštine Kantona Sarajevo Ana Babić (U daljem tekstu: predsjedateljica) je pozdravila sve prisutne i otvorila 38. Radnu sjednicu Skupštine Kantona Sarajevo 05.03.2018.godine u 10,00 sati.

Sjednici su prisustvovali poslanici/zastupnici:

STRANKA DEMOKRATSKE AKCIJE

1. Čelik Mirza
2. Čomor Eldar
3. Delalić Sabahudin
4. Dovadžija Amar
5. Mešanović Safet
6. Kozadra Muhamed
7. Mašović Amor
8. Prevljak Fikret

DEMOKRATSKA FRONTA – ŽELJKO KOMŠIĆ

1. Kerla Bibija

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Filipović Selma
3. Marić Zvonko
4. Rađo Dževad
5. Rasim Lakota

SOCIJALDEMOKRATSKA PARTIJA BOSNE I HERCEGOVINE

1. Srna Bajramović Srna
2. Šućur Slaviša

NAŠA STRANKA

1. Ćudić Sabina
2. Forto Edin
3. Kojović Predrag

BOSANSKA STRANKA – MIRNES AJANOVIĆ

1. Haris Pleho
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Halilović Semir

SAMOSTALNI POSLANICI/ZASTUPNICI

1. Bjelak Nermin
2. Aljović Hamed
3. Mekić Amel
4. Akšamija Goran
5. Dizdarević Neira
6. Bukva Sejo
7. Mehmedagić Mersiha
8. Pindžo Mirsad

9. Vukasović Mario
10. Fahrudin Pecikoza
11. Ademović Kemal
12. Okerić Elmedin

Izostanak sa ove sjednice opravdao je Izudin Bajrović a kašnjenje je najavio Fahrudin Pecikoza.

- 0 -

Prijedlog dnevnog reda 38. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 20.02.2018.godine.

- 0 -

Na osnovu člana 73. Poslovnika Skupštine Kantona Kolegij je prihvatio da se Prijedlog dnevnog reda 38. Radne sjednice, dopuni sa sljedećom tačkom:

1. Prijedlog odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta „Energetska efikasnost za BiH“ (razmatrat će se kao tačka 10.)

Prije utvrđivanja dnevnog reda, Zvonko Marić je imao komentar upućujući na informacije iz Vodovoda i Grasa koje se ne nalaze na dnevnom redu a u skladu sa Zaključkom Skupštine bi se trebale razmatrati na svakoj sjednici, pa je sekretar dao pojašnjenje.

Nakon obraćanja sekretarke Almire Kulovac Šetkić Skupštini se obratio premijer Elmedin Konaković.

Na prijedlog premijera Elmedina Konakovića i zastupnika Mirsada Pindže predsjedateljica je predložila da se kao posljednja tačka dnevnog reda uvrsti – Informacija o stepenu realizacije Skupštinskih zaključaka koja je izostavljena greškom iz dnevnog reda.

Predsjedateljica je nakon diskusije o tačkama dnevnog reda, najavila 15 minuta pauze kako bi Kolegij mogao izvršiti dopunu dnevnog reda.

Nakon pauze uslijedilo je utvrđivanje dopunjenog dnevnog reda.

UTVRĐIVANJE DNEVNOG REDA

SKUPŠTINA KANTONA SARAJEVO JE ZA 38. RADNU SJEDNICU (VEĆINOM GLASOVA 29 “ZA” I 1 “PROTIV”) USVOJILA SLJEDEĆI

DNEVNI RED:

1. Poslanička/zastupnička pitanja, inicijative i odgovori;
2. Utvrđivanje datuma održavanja sjednice Skupštine Kantona Sarajevo u vezi Prijedloga za glasanje o nepovjerenju Vladi Kantona Sarajevo;
3. Nacrt strategije prema mladima Kantona Sarajevo za period 2018.-2022. godina;
4. Nacrt strategije za uključivanje djece sa poteškoćama u razvoju u obrazovanje sa sedmogodišnjim planom implementacije u Kantonu Sarajevo;

5. Prijedlog odluke o davanju saglasnosti na Program rada i Finansijski plan Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida za 2018.godinu;
6. Prijedlog odluke o pristupanju izradi Prostornog plana područja posebnog obilježja "Regionalni centar za upravljanje otpadom (RCUO) – Smiljevići;
7. Prijedlog odluke o davanju saglasnosti za potpisivanje ugovora o kupoprodaji nekretnina putem neposredne pogodbe sa Ipsa institutom d.o.o Sarajevo u svrhu oblikovanja građevinske parcele ;
8. Prijedlog odluke o utvrđivanju postojanja javnog interesa za osnivanje Javne ustanove "Jedanaesta osnovna škola" Ilidža;
9. Prijedlog odluke o stavljanju van snage Odluke o izmjeni naziva osnovnoj školi na području općine Novi Grad ("Službene novine Kantona Sarajevo,44/16");
10. Prijedlog odluke o prihvatanju zaduženja po Sporazumu o finansiranju između Bosne i Hercegovine i Međunarodne asocijacije za razvoj (IDA) za realizaciju Projekta „Energetska efikasnost za BiH“.
11. Informacija o stepenu realizacije skupštinskih zaključaka za čiju je realizaciju zadužena Vlada Kantona Sarajevo;

- 0 -

Uz poziv za sjednicu, kao informativni materijal,zastupnicima je dostavljeno sljedeće:

- Izvještaj o radu Kantonalnog suda u Sarajevu i Izvještaj o radu Općinskog suda u Sarajevu za 2017. godinu

Nakon usvajanja dnevnog reda 38. radne sjednice Skupštine Kantona Sarajevo, uslijedila je realizacija prve tačke dnevnog reda.

AD – 1.

ZASTUPNIČKA PITANJA I INICIJATIVE

Zastupnička pitanja i inicijative podnijeli su sjedeći zastupnici/zastupnice: Dževad Rađo, Rasim Lakota, Mirsad Pindžo, Segmedina Srna Bajramović. Mersiha Mehmedagić, Semir Halilović, Neira Dizdarević, Goran Akšamija, Mario Vukasović, Edin Forto, Bibija Kerla, Zvonko Marić, Selma Filipović, Elmedin Okerić, Amar Dovadžija i Fikret Prevljak.

Zastupnička pitanja i inicijative su podnijeli kako slijedi:

Zastupnik Dževad Rađo je postavio pitanje:

"Hvala predsjedavajuća. Pozdravljam kolegice i kolege, članove Vlade na čelu s premijerom, drage goste i sve građane Kantona Sarajevo koji prate današnju našu sjednicu. Ja imam dva pitanja. Prvo pitanje je, s obzirom na nepotpun odgovor na pitanje koje sam postavio u vezi nabavke plinskih autobusa minibusu, nabavke opreme i usluga mobilne komunikacije u KJKP GRAS Sarajevo može se zaključiti da su u odgovoru prezentovani elaborati i analize

opravdanosti investicija sačinjene naknadno. Te postavljam pitanje svrsishodnosti retroaktivnog pravdanja nabavke. Tražim da mi se u pisanoj formi odgovori koliko je od uvođenja privremenih mjera upravljanjem KJKP sačinjeno novih ugovora o radu, a koliko ugovora o djelu? Koliko je ukupno izdvojeno finansijskih sredstava za ugovore o djelu te koji je razlog dodatnih troškova? Ko je učestvovao u izradi sistematizacije koja je dostavljena u sklopu Informacije KJKP GRAS na 36. sjednicu ove naše Skupštine? I drugo pitanje upućujem Ministarstvu obrazovanja, nauke i mladih Kantona Sarajevo a odnosi se na prodaju objekta Studentskog doma u Nedžarićima. Radi se o tome da smo krajem prošle godine informisani putem medija da su Vlada Kantona Sarajevo i Vlada FBiH dogovorile prodaju kupoprodaju objekta Studentskog doma u Nedžarićima. Navodna cijena je bila oko 21 milion KM. I kako se prašina u javnosti digla tako se i slegla ova priča. Mene konkretno interesuje da li je Kanton Sarajevo prodao objekat i ako jeste za koliko sredstava? I u šta će se ista sredstva uložiti. Ako nije zašto nije? Šta je sa ugovorom? Da li je stavljen van snage i da li će ova priča ikada biti aktuelirana ili je to propao posao? Hvala vam lijepo.”

Zastupnik Rasim Smajić je podnio inicijativu:

“Zahvaljujem predsjedateljice. Pozdravljam sve prisutne u Sali kao i gledaoce pored malih ekrana. Ja danas imam jednu inicijativu za koju bih molio da se Skupština Kantona izjasni danas ako je to moguće. Naime radi se o Inicijativi: Predlažem da se Skupština Kantona Sarajevo izjasni o mom prijedlogu sa 37. radne sjednice Skupštine kada sam tražio od Vlade Kantona Sarajevo da se uvrsti u redovno finansiranje udruženja građana Unije civilnih žrtava rata Kantona Sarajevo i to u iznosu od 5000 KM mjesečno kao što je to i do sada bilo. Toliko, hvala.”

Zastupnik Rasim Lakota je postavio zastupnička pitanja:

“Zahvaljujem. Pozdravljam vas uvažena predsjedavajuća kao i sve prisutne u ovoj Sali, a poseban pozdrav ide gledaocima TVSA. Ja bih uputio jedno pitanje koje bi se nakon što dobijem odgovor moglo pretvoriti u inicijativu. Naime, svjedoci smo pojave migranata iz Sirije, Afganistana, Palestine, Iraka, Irana i drugih zemalja na području Kantona Sarajevo. Ovo je pitanje sa kojima se susjedne zemlje vrlo ozbiljno suočavaju dok je BIH o sada bila uglavnom zaobiđena na njihovom putu prema Zapadnoj Europi. Nemamo službene informacije u Skupštini Kantona Sarajevo o eventualnom broju osoba koje su tranzitirale kroz BIH, ili su se zaustavile u zemlji. Ako ostaju u Kantonu Sarajevo, kakav status te osobe dobivaju, gdje su smještene i ko o njima brine. Sarajevo zbog svoje tradicionalne gostoljubivosti ali i zbog činjenice da smo četiri godine bili u okruženju i posebno činjenice da su naši građani tokom rata bili izbjeglice u preko 100 zemalja svijeta, njih preko 1 milion. Ne smijemo i nećemo dozvoliti da u Kantonu Sarajevo imamo ljude o kojima se ne zna, koji su za vlasti nevidljive, koji nemaju pravo da se liječe, školuju itd. Znamo da su ovo pitanja u nadležnosti institucija na nivo BIH ali ono što mene interesuje i za šta tražim odgovor o MUP-a i ministarstva za rad socijalnu politiku, raseljena lica i izbjeglice jeste sljedeće: ima li legalni ili možda ilegalnih tranzita i boravak migranata u Kantonu Sarajevo? Koji im je pravni status odobren u BIH i Kantonu Sarajevo? I šta im taj status garantira u smislu pristupa pravima za vrijeme boravka u BIH; smještaj, ishrana, liječenje, školovanje, socijalna zaštita, i slično. Ovim pitanjem skrećem pažnju na ove nesrećnike koji su prognani iz svojih kuća i iz svojih zemalja i skrećem pažnju nadležnim institucijama da sačuvaju obraz BIH, Sarajevu u međunarodno pravnim okvirima. Imam još jedno pitanje. Moje pitanje je za Vladu Kantona Sarajevo i odnosi se na pravne pretpostavke za imenovanje i promjene upravljačkih struktura u JK i drugim preduzećima i privrednim subjektima u javnom sektoru u Kantonu Sarajevo. Što očigledno izuzima veliku pažnju javnosti. Očigledno da se u određenim međusobno sličnim situacijama postupa različito što proizvodi određenu vrstu pravne nesigurnosti u ovoj oblasti. U pojedinim situacijama

izvještaji nisu usvojeni i ako su pravni subjekti pozitivno poslovali, a Skupština Kantona Sarajevo nije prihvatila pozitivne izvještaje Skupštine JP Kantona Sarajevo. Imamo također primjer da je teško mijenjati upravljačke strukture u situacijama kada se radi o pola mandata, tj. izvještajnog perioda u kojem su te strukture radile samo određeni period. Zbog očiglednih nejasnoća i neprecizne pravne regulative, pitam Vladu da li je tačno ovo što prepoznajem kao problem?”

Zastupnik Mirsad Pindžo je postavio dva zastupnička pitanja:

“Zahvaljujem predsjedavajuća. Ja danas imam dva pitanja, obadva su Tužilaštvu Kantona Sarajevo. Prvo molim Tužilaštvo Kantona Sarajevo da mi u pisanom obliku odgovori da li su završene provjere, okončani pokrenuti krivični postupci i donesene konačne tužilačke odluke za predmete navedene na moje prethodno zastupničko pitanje od strane ovog Tužilaštva pod brojem A-380/15 od 12.06.2015 godine. Nepune tri godine je prošlo od odgovora ovog Tužilaštva na moje zastupničko pitanje a da u javnosti nisam primijetio da je i jedan predmet koji je tada bio u radu završio optuženjem, pa me interesuje da li su ti predmeti još uvijek u radu, ili su završeni tužilačkom odlukom o neprovođenju istrage, a podsjetit ću u ovom materijalu na pet strana od Tužilaštva, imaju skoro sva javna preduzeća u Kantonu Sarajevo i ministarstva i da ne nabrajam dalje. Dostavit ću to Tužilaštvu. Drugo pitanje odnosi se također podnosi se Tužilaštvu, molim Tužilaštvo da mi odgovori da li je bilo podnesenih krivičnih prijava protiv direktora KJP ZOI’84 “Olimpijski centar Sarajevo” Midhata Hubijara, u periodu od 2014. do 2018. u kom su statusu te eventualno podnese prijave, provjere ili konačne tužilačke odluke? Ovo pitanje je inicirano iz Izvještaja o poslovanju JP ZOI’84, Izvještaj revizije, od uposlenika bivših i sadašnjih pa i izjave direktora koji je umislio sebi da više puta izgovorena laž postaje istina. Ja mu evo, evo javno poručujem da laž neće postati istina i da će u ovom prethodnom pitanju i koje sam postavio Tužilaštvu i njegovo ime se nađe jer je u periodu kada je “ZOI’84” upropašten i napravljen dug od 16 miliona, on obnašao dužnost predsjednika Skupštine KJP ZOI ‘84. od 2011. do 2014. kada preuzima direktorsku poziciju. Moja uloga u svemu tome tačno kriv sam, iznio sam to u javnost, ovdje na Skupštini i zamolio određene stručne ljude da naprave program sanacije koji su uradili ljudi bez pare i dinara, i njemu data sredstva da ih on harači i krčmi kako njemu odgovara, a ne kako je Program sanacije to zamislio i ova Skupština to odobrila. Utvrdit će se da više puta izgovorena laž neće postati istina, a ovaj direktor će ako bude države biti tamo gdje su svi kriminalci. U zatvoru. Zahvaljujem.”

Zastupnica Segmedina Srna Bajramović je podnijela inicijativu kako slijedi:

“Zahvaljujem uvažena predsjedavajuća. Za danas imam jednu zastupničku inicijativu koja se odnosi na proširenje liste ortopedskih pomagala u smislu podrške pacijentima sa malignim oboljenjima ili donošenja odluke o refundaciji troškova kupovine istih. Obrazloženje. Činjenica je da žene i muškarci ne smiju ostati sami u borbi protiv malignog oboljenja, karcinoma. Pri tome je važno naglasiti da je broj novo registriranih malignoma redovito veći kod muškaraca nego kod žena, 52,2% posto naspram 47,8%. Prosječna dob registriranih oboljelih je 63 godine i to kod muškaraca 64 a kod žena 61 godina. Međutim u ključnim godinama za reproduktivno zdravlje, u dobi od 25 do 54 godine primjetna je veća stopa oboljevanja žena u odnosu na muškarce. Naše političko djelovanje i aktivizam moram biti usmjeren da se svojim političkim inicijativama pomognemo svih ženama i muškarcima u ostvarivanju njihovih prava koja moraju biti jednaka i zagarantovana. Jedno od tih prava se odnosi na dostupnost ortopedskih pomagala tokom liječenja malignog oboljenja gdje spadaju medicinske perike, rukavice i zavoji za limfedem. Limfedem ili otok ekstremiteta je hronično oboljenje koje se ne može izliječiti ali se adekvatnom brigom može držati pod kontrolom te samim tim poboljšati kvalitet života pacijenata. Najčešće se javlja kod pacijenata sa malignim oboljenjem karcinomi dojke, ginekološki karcinomi, melanomi, i druga maligna oboljenja usljed hiruškog prekida limfnih

žila ili radijacije istih. Osim navedenih problema, pacijenti se susreću sa nemogućnošću liječenja zbog visokih cijena setova za bandažu, te nakon saniranja edema potreban je rukav ili nogavica koji se nose svakodnevno. Trenutno u FBiH pomenuta pomagala kupuju se od strane pacijenata i pacijentica gdje troškovi za medicinsku periku iznose od 300 do 1000 KM, a za rukavice do 150. ovim su naročito pogođene žene tokom liječenja karcinomima dojke, a svjesni smo sve većeg porasta broja mlađih oboljelih žena do 35 godina, gdje od 1300 novootkrivenih slučajeva 500 žena izgubi bitku za život. Dijagnoza raka dojke je nešto to oboljela žena ali i njena porodica vrlo teško podnose. Sama borba sa zloćudnom bolešću koja je često duga i teška dodatno otežana fizičkim promjenama koje započinju gubitkom kose, zbog kemoterapije ili zračenja, te potrebe nošenja rukavice i zavoja nakon kemoterapije. To direktno utiče na psihičko stanje žene. Ženama je gubitak kose ogroman bol, i puno veći od samih zdravstvenih promjena koje se događaju u tijelu. Za tu bol najvažnije je razumijevanje i podrška okoline, našim najbližih prijatelja, saradnika i saradnica, ali i svih onih koji mogu mijenjati regulative i tražiti da država bude podrška ženama i muškarcima oboljelim od malignih oboljenja. Stoga je pokretanje ove inicijative da zdravstveno osiguranje pokrije troškove.”

Zastupnica Mersiha Mehmedagić je podnijela sljedeće:

“Hvala uvažena predsjedavajuća. Pozdravljam sve prisutne kao i građane Kantona Sarajevo koji prate današnje zasjedanje. Za danas imam jedno zastupničko pitanje i jednu inicijativu. Zastupničko pitanje upućujem Vladi odnosno ministarstvima za obrazovanje nauku i mlade Kantona Sarajevo. I to zašto na dnevni red danas pored ove Strategije prema mladima nije vraćen Nacrt strategije razvoja obrazovanja i nauke Kantona Sarajevo za period 2018-2022? Je li to zato što je u ovom Nacrtu odnosno u ovom materijalu se provukao niz kritika spram svega onoga što je do sada urađeno u obrazovanju? A kritike su uputile stručne osobe koje su radile na nacrtu strategije. I za Ministarstvo za rad socijalna pitanja, raseljena lica i izbjeglice, kada će konačno razmatrati odnosno vratiti na dnevni red izvještaj o stanju u oblasti zapošljavanja za 2016. godinu, koji je panično povučen sa dnevnog reda da se o njemu ne bi dalje razmatralo jer sam iznijela podatak da je 30.000 ljudi manje u Kantonu Sarajevo. 30.000 radno aktivnih ljudi. Pa me interesuje kada ćemo razmatrati ovaj izvještaj s obzirom da je 2018. trebali bi razmatrati izvještaj u stanju o oblasti zapošljavanja za 2017. a ne za 2016 godinu. Zastupničku inicijativu upućujem Vladi Kantona Sarajevo. Nakon niza ponovljenih inicijativa Ministarstvu zdravstva Kantona Sarajevo da riješi problem implementacije odluke o utvrđivanju osnovnog paketa zdravstvenih prava FBiH, odnosno problem finansiranja paketa zdravstvenih prava za neosigurana lica u Kantonu Sarajevo, inicijativu prosljeđujem Vladi na očitovanje, i molim Vladu Kantona Sarajevo da zaduži Ministarstvo zdravstva i ZZO Kantona Sarajevo da prikupe podatke o broju neosiguranih lica u Kantonu Sarajevo i naprave procjenu potrebnih finansijskih sredstava za sprovođenje navedene odluke. I da u suradnji sa općinama nađe adekvatan model finansiranja ovog prava. Neosigurana lica u Kantonu Sarajevo ne mogu ostvariti pravo na zdravstvenu zaštitu obuhvaćenu paketom zdravstvenih prava za neosigurana lica osim ako spadaju u kategoriju socijalnih slučajeva ili se nalaze na evidenciji službe za zapošljavanje Kantona Sarajevo kao nezaposlene osobe. Ovim se derogiraju propisi FBiH i krše pravo na zdravstvenu zaštitu najugroženijim kategorijama neosiguranih lica oboljelim od teških zaraznih bolesti, hroničnih bolesti, onemogućava se zdravstvena zaštita trudnicama tokom trudnoće, poroda i eventualnih postnatalnih komplikacija, te drugim kategorijama navedenim u odluci. Ovaj problem je posebno važan zbog populacione politike. Kako će Vlada reći da je osigurala bolje uvjete mladima za stvaranje porodica ako budućim majkama.”

Zastupnik Semir Halilović je podnio sljedeće:

“Hvala lijepo. Pozdravljam gledaoce koji prate skupštinsko zasjedanje. Kratko ću samo informisati. Predao sam svoja pitanja o čemu se radi. Jedna inicijativa za Ministarstvo

saobraćaja Vlade Kantona Sarajevo u kojim ih molim da izvrše reviziju funkcionisanja pa sam tačno naveo semafore za desetak sarajevskih raskrsnica pošto smo mi kroz vps dobili inicijative građana MZ iz općina Novo Sarajevo, Novi Grad i Centar da 10 raskrsnica u Sarajevu semafori na 10 raskrsnica ne funkcionišu normalno. I zaista kada smo provjerili ne funkcionišu normalno iz prostog razloga što tzv. zeleni val se zaustavi na 50% prelaska ceste i to za potpuno zdrave ljude. Bolesni, djeca i invalidi ne mogu preći cestu onom brzinom kojom traje taj semafor. To je jedna stvar. Druga stvar koju želim da pitam MUP jeste da mi dostave tabelarni pregled kažnjenih lica zbog prekomjerne brzine u Kantonu Sarajevo za 2017. godinu, ali i lica pješaka koji nepropisno prelaze cestu. Mi smo ovdje nekoliko puta imali vrlo dramatične sjednice radi smrtnih slučajeva koji su događali u saobraćaju i dogovorili smo se da se ta politika pooštri. I prema jednima i prema drugima. Međutim, primjetno je da se ponašanje ljudi na cesti gotovo ništa nije promijenilo pa me zanima čisto da vidim da li se naši zaključci ono što smo ovdje govorili i zaključili sprovodi kako treba. Treća inicijativa što će već preći u redovnu rubriku ovdje, to je za Kolegij Skupština Kantona Sarajevo prije 15 mjeseci sam ja prije 11 kolegica Srna podnijeli zahtjev i skupili dovoljan broj potpisa, predali materijale za održavanje dvije posebne sjednice, jedna je za politička ubistva, druga je za ZZO: Kolegij Skupštine Kantona Sarajevo 15 mjeseci nakon jedne i 11 nakon druge inicijative sa uredno prikupljenim potpisima i sa uredno predatim materijalima nije zakazao sjednicu. To već prelazi u domen zaista političkog kriminala to što se radi. Ovdje na ovu skupštinu dolazi sve što vam treba i kada vam treba i brzinom kojom treba. Neki članovi Kolegija su meni rekli da te stvari riješim na višem nivou, ja nemam šta to riješiti na višem nivou, ja sam riješio to na poslovnički način i molim Kolegij da se personalno svaki član Kolegija izjasni zašto ne zakažu datum održavanja sjednice. Oni meni uvijek skupno odgovore da su oni za sjednicu, vjerujem da su oni za sjednicu to čisto da pokriju svoje tragove ali mene zanima personalno zašto ne zakažu tačan datum održavanja ove dvije sjednice. I zašto se to čeka evo gotovo godinu i po dana. Hvala lijepo.”

Zastupnica Sabina Ćudić je postavila dva zastupnička pitanja:

“Hvala predsjedavajuća. Pozdrav svima kao i gledaocima. Interesuje me, imam dva pitanja, jedno je za Ministarstvo obrazovanja a drugo za Ministarstvo finansija. Prvo pitanje je šta je Sudbina Nacrta strategije obrazovanja i nauke Kantona Sarajevo za 2018. do 2022.? Generalno smo Nacrt strategije čekali nestrpljivo već tri godine. Na prošloj sjednici ovaj Nacrt je povučen kako je premijer rekao zbog toga što ministar obrazovanja nije bio u Sali. U međuvremenu smo na pozivu za današnju sjednicu ponovo dobili Nacrt strategije prema mladima Kantona Sarajevo ali je izostao Nacrt strategije razvoja obrazovanja i nauke, pa me interesuje možemo li očekivati da ćemo na narednoj sjednici konačno diskutovati ovaj izuzeto važan dokument uzimajući u obzir da je ostalo jako malo vremena do naredne školske godine, kao i do izbora, mislim da je izuzetno važno da dobijemo odgovor da li ćemo to diskutovati u ovom mjesecu, odnosno narednom. Drugo pitanje za Ministarstvo finansija tiče se e maila koji smo dobili od stručnih službi u februaru 15. ove godine u kom nam se od strane Ministarstva finansija kako ovdje stoji uz platne liste Ministarstvo finansija je na mail dostavilo ponudu BBI banke te nam je poslan promotivni materijal BBI banke, komercijalne banke iz BIH. Pa me interesuje u kom svojstvu Ministarstvo finansija Kantona Sarajevo igra ulogu promotora marketinške agencije jedne komercijalne banke iz BIH, da li je možda radi nekog specijalnog ugovora koje Ministarstvo finansija ima sa ovom bankom ili su jednostavno drage dobre volje odlučili da promovišu kredite jedne komercijalne banke svim uposlenicima Kantona pa bih voljela da mi usmeni odgovor da ministar finansija u kom svojstvu ovo radi. Hvala.”

Zastupnica Neira Dizdarević je podnijela sljedeće:

“Hvala uvažena predsjedavajuća također pozdravljam sve prisutne u Sali kao i gledatelje koji prate današnju sjednicu. Ja imam danas pitanje za Ministarstvo obrazovanja Kantona Sarajevo u kojoj je fazi izrada sistemskog rješenja interesorne grpe za problem obrazovanja djece sa poteškoćama u razvoju u skladu sa zaključcima sa 35 radne sjednice od 15.11. evidentno je da su svi rokovi koju su zadati i ovdje je jednoglasno usvojeni prošli, posebno ako mogu dobiti odgovor paralelu sa današnjim Nacrtom strategije koji razmatramo o inkluziji. Da li su u pitanju dva paralelna procesa. Jednostavno ako može ministar i usmeno a i pismeno da obrazloži. A drugo pitanje, ponovit ću inicijativu koju sam u dva navrata prošle godine pokretala. Radi se o postavljanju saobraćajnog znaka signalizacije za djecu koja pohađaju OŠ Kovačići. Koji svakodnevno idu u školu gdje nesavjesni nažalost premašuju dozvoljenu brzinu. Direkcija za puteve je prihvatila moju inicijativu još 01.12. međutim evo već tri mjeseca jedan saobraćajni znak dakle nije uopšte postavljen pa evo ako mogu da dobijem odgovor zbog čega i kada će se to konačno realizovati. Toliko. Hvala.”

Zastupnik Goran Akšamija je postavio zastupničko pitanje:

“Hvala uvažena predsjedavajuća. Pozdravljam sve prisutne i gledaoce KTV: ja za danas imam jedno zastupničko pitanje koje upućujem Vladi Kantona Sarajevo i ministarstvu zdravstva Kantona Sarajevo a ono glasi: da li je Vlada Kantona Sarajevo na osnovu Uredbe o određivanju visine plata i naknada organa upravljanja i drugih organa institucija Kantona Sarajevo, KJP, JU čije je osnivač Kanton Sarajevo službene novine Kantona Sarajevo 41/16 davala saglasnost za povećanje plata direktorima zdravstvenih ustanova? Ako jeste, po kojim kriterijima, i koje su to ustanove, a za one za koje ni je koji su razlozi neprovođenja uredbe? Obrazloženje: Zakonom o platama i naknadama članovima organa upravljanja i drugih organa i institucija Kantona Sarajevo, KJP, i JU čiji je osnivač Kanton Sarajevo regulisane su mjesečne neto plate direktora JU, i dopunjene Uredbom o određivanju visine plata i naknada. U navedenom Zakonu u članu 15 stav 1) predviđena je stimulacija u vidu povećanja plata direktora JP do 30% od osnovne plate za pozitivno poslovanje. I ono se odnosi na period do podnošenja narednog izvještaja o radu i poslovanju preduzeća odnosno JU. A ne na duži period od jedne godine, a u stavu 2) istog člana odluku o uvećanju donosi UO JU u prethodnu saglasnost Vlade Kantona Sarajevo. Poznato je da je većina zdravstvenih ustanova poslovala pozitivno u 2015. godini, a da su sve ustanove koje je Skupština Kantona Sarajevo razmatrala i usvojila izvještaje poslovale pozitivno 2016. godini pa se postavlja pitanje šta je sa povećanjem plata direktora do 30% za navedene ustanove? Hvala.”

Zastupnik Mario Vukasović je podnio sljedeće:

“Zahvaljujem predsjedavajuća. Ja za danas imam dva pitanja prvo zastupničko pitanje je upućeno Vladi Kantona Sarajevo, a odnosi se na rad Antikorupcijskog tima Vlade Kantona Sarajevo. Kako se u javnosti vrlo često naglašava rad ovog tima, te stalno navodi kako je isti postigao izuzetne uspjehe i pokazao zavidan nivo rada, s druge strane pojavljuju se informacije iz Tužilaštva Kantona Sarajevo iz ranijeg perioda prošle godine gdje se navodi da s obzirom na to kakve nadležnosti ima Antikorupcijski tim nema značaj koji mu se pridaje. Molim vas da mi dostavite odluku o osnivanju ovog tima, statut ili drugi dokument koji definiše okvire rada i nadležnost tima, spisak biografije članova tima kao i detaljan izvještaj o radu, informaciju o broju podnesenih prijava, o broju prijava koje su rezultirale nekom konkretnom akcijom, kao i također molim vas da navedete koje su krivične ili kaznene mjere izrečene po okončanju eventualnog procesa. Drugo zastupničko pitanje se odnosi na Ministarstvo saobraćaja Kantona Sarajevo i zamolio bih ministra za usmeni odgovor. Prije nekoliko dana desio po ko zna koji put napad na građane u vozila JGP. Naš sugrađanin brutalno je napadnut metalnim palicama u tramvaju nakon što je pokušao zaštititi drugog putnika od krađe te je zadobio vidne povrede u predjelu glave. Kako sigurno smatramo jednim od najbitniji segmenata funkcionisanja javnog

gradskog prijevoza, Klub Naše stranke je u toku javne rasprave o budžetu za ovu godinu tražio da se izdvoji novac za uvođenje video nadzora u svim vozilima "Grasa", no amandman je odbijen uz dodatno obrazloženje resornog ministra da je navedena aktivnost već planirana u okviru izdvojenih 8 miliona za tramvajska stajališta. Interesuje me kada građani mogu očekivati veći stepen sigurnosti uvođenjem video nadzora u vozila. Čini mi se da je ministar nedavno i u medijima razgovarao o tome, pa bih zamolio ako može javno da nas upozna dokle je ova procedura. Zahvaljujem."

Zastupnik Edin Forto je podnio sljedeće:

"Zahvaljujem, pozdravljam sviju. Imam jednu inicijativu. Ono što je suština političkog rada svakog zastupnika i zastupnice u ovoj Skupštini, a i svakog kluba koji predstavljaju je, ne samo naša izlaganja i argumenti koje nudimo ovdje u Skupštini, već i način na koji glasamo po tačkama dnevnog reda. Da bi javnost bila potpuno informisana kako neko se odnosi prema svim pitanjima koje ova Skupština raspravlja, mi bi morali imati javno i vrlo pregledno prikazano kako je bilo ko u ovoj Skupštini glasao po bilo kojoj tački dnevnog reda u svom mandatu. To je nešto što je, ne samo da je praksa u demokratskim društvima, nego i u nekim organima vlasti u BIH, ali ne ovom kojem mi ovdje sjedimo. Predlažem podnosim Inicijativu predsjedavajućoj Skupštine da uspostavite sistem gdje će na web stranici Skupštine Kantona Sarajevo biti jasno prikazano kako je ko glasao po svakoj tački dnevnog reda. Znači, ime, prezime, za protiv ili suzdržan za svaku tačku dnevnog reda, uz mogućnost pregleda prošlih glasanja i svih glasanja koja se dešavaju. Mislim da će to biti zanimljivo, ne samo medijima i građanima. Mislim da će biti zanimljivo i nama samima. To je moja inicijativa.

Također imam jedno pitanje za ministra pravosuđa. Ministre, možete li na odgovoriti usmeno šta je sa mojom inicijativom da se plaćanje taksenih marki u ZKU prebaci iz izmještene kabine gdje stoji jedna osoba koja samo prodaje taksene marke, 500 metara udaljeno od samog ureda iz misterioznih razloga. Ljudi negoduju i šalju nam dopise kako to da riješimo da se taksene marke prodaju u ZKU, gdje se i plaća ta taksa. Hvala."

Zastupnica Bibija Kerla je dala sljedeći komentar:

"Pozdravljam sve prisutne i gledaoce pored ekrana. Ja bih danas samo da pitam šta je sa mojim odgovorima što se tiče pitanja koja sam ja postavljala do sada. Imam neodgovorenih šest odgovora, pogotovo me interesuju pitanja koja sam postavila u vezi stručnih saradnika svih ministarstava? Dalje, imala sa potrebu da danas postavim jedno pitanje, a ne samo potrebu nego i dužnost prema svim građanima Kantona Sarajevo, međutim, s obzirom da je već previše prašine upalo u vodu, i ako ja ubacim jednu još veliku bagersku kašiku blata u to, bojim se da će se ova sjednica pretvoriti u nešto veće i da će nam trebati svi filteri VIK-a da to prečiste. A ja obećavam građanima Kantona Sarajevo da će to pitanje biti postavljeno na idućoj sjednici. Hvala lijepa."

Zastupnik Zvonko Marić je postavio sljedeće zastupničko pitanje:

"Zahvaljujem predsjedavajuća i ja imam dva pitanja. Imam jedno konkretno pitanje, ne inicijativu, ne bilo kakvu preporuku za ministra saobraćaja gospodina Fišu kojeg smo evo pominjali njegovo Ministarstvo u nekoliko navrata. Gospodine Fišo, vrlo jednostavno pitanje: Kada ćete podnijeti ostavku? Sada ću da vam kažem i zbog čega treba da uradite. Mislim da ćete na taj način pomoći da "GRAS" izađe iz živog blata u kojeg ga je dovela politika u posljednjih desetak godina posebno i pomoći ćete građanima koji su izloženi svojevrsnoj torturi kada je riječ o prijevozu. Prije svega, vi znate da smo sa ogromnom dozom razumijevanja za odluke i stanje koje je u "GRASU" davali vam podršku za sve vaše poteze i inicijative. Tako je bilo i kada je riječ o odluci vezano za kupone. Svojom nemogućnosti i nemoći vi ste otvorili prostor za tržište kuponima vidjeli ste da ne funkcioniše ta odluka koja je već u nekom od

ranijih saziva također donesena i prema tome da ste otvorili tržište kuponima. To je krivično djelo. Ne možete vi na neki način, a još pri tome vršiti te pritisak na direktore i praviti diskriminaciju u nekim drugim segmentima ovoga društva jer moguće je pravo na izbor. Jer u platnoj listi vam stoji da je naknada za prijevoz. Znači nije jasno precizirano šta. Mnogi ljudi da bi stigli na posao trebaju da krenu dva sata, ne funkcioniraju linije, i da ne nabrajam ovo što je kolega Rađo pitao, kolega Vukasović itd. Ne znam da li se vi neugodno osjećate pred tim žestokim pitanjima kojima vas izlažu zastupnici u ovom kantonu. Dajte odgovor na to pitanje. Mislim da morate dati odgovor i ja sam postavljao u par navrata vezano za nabavku kombi vozila, za funkcioniranje, svaki vam tender padne i da ne nabrajam šta sam već pokretao inicijative i imao razumijevanja za ono pred čim se vi nalazite. Nema tu boljitka, nema napretka, dakle nema sistema, vi nemate viziju izlaska iz takve situacije. Drugo moje pitanje se odnosi na, sjećate se a to je očigledno bolest ovo parlamenta i Vlade itd. i svih JP, postavljao sam zastupnička pitanja koja su se odnosila na Medicinu rada. Tu je bilo niz.”

Zastupnica Selma Filipović je postavila dva zastupnička pitanja:

“Zahvaljujem predsjedavajuća. Imam dva pitanja. Pitanja se odnose za Vladu Kantona Sarajevo. Ovim putem želim podsjetiti skupštinu Kantona Sarajevo da smo tokom prošle godine radili mnogo na problemu pasa luralica u Kantonu Sarajevo, kao rezultat te borbe Vlada i Skupština Kantona razmatrale su i u konačnici odobrile kupovinu azila u Prači. Molim Vladu Kantona Sarajevo, koja je preuzela upravljanje nad Azilom u Prači da mi u pisanoj formi odgovori koje mjere i aktivnosti je Vlada preduzela kao novi vlasnik do danas u cilju osiguranja punog funkcionisanja azila u skladu sa Zakonom o zaštiti životinja i podzakonskih akata iz te oblasti. Odnosno kakvo je stanje životinja u azilu u Prači. Da li su osigurane sve mjere i aktivnosti koje Zakon zahtijeva ili se samo promijenio vlasnik? Pitanje Vladi Kantona i resornom Ministarstvu šta se trenutno dešava s ovim projektom, da li su pokrenute ikakve aktivnosti na uređenju azila i privođenju krajnjoj namjeni? Da li je osigurana neophodna dokumentacija od nadležnih službi u BPK? Da li azil uopšte radi? Ko njime upravlja i koliko je trenutno pasa u azilu?

Drugo pitanje, također Vladi, na sjednici Vlade zapazila sam da je donesena odluka da se izda odobrenje za rad predškolskoj ustanovi Tom i Džeri na Ilidži koje je privatno vlasništvo. Imala sam uvid u inspeksijske nalaze kako općinske tako i kantonalne. Oni su poprilično alarmantni i ukazuju na bezbroj nedostataka te tako gdje djeca borave. Nakon ovih nalaza ništa nije poduzeto nisu nedostaci otklonjeni, odnosno da li izdato odobrenje za rad zašto je izdato odobrenje? I pitam sada Vladu ko će snositi rizik? Hvala lijepo.”

Zastupnik Elvedin Okerić je podnio inicijativu kako slijedi:

“Zahvaljujem. Uvažena predsjedavajuća, dopredsjedavajući, članovi Vlade, zastupnice i zastupnici u Skupštini Kantona Sarajevo, gosti, građani pored malih ekrana, sve vas srdačno selamim i pozdravljam. Ispred Kluba Samostalnih zastupnika podnosim sljedeću inicijativu koja glasi: “Inicijativa za pokretanje procedure za razrješenje predsjednika, članova Skupštine KJP ZOI ‘84 “Olimpijski centar” d.o.o. Sarajevo. Klub Samostalnih zastupnika u Skupštini Kantona Sarajevo na osnovu odredbi člana 7. Odluke o osnivanju Skupština javnih preduzeća, čiji je osnivač Kanton Sarajevo, pokreće inicijativu za razrješenje predsjednika članova Skupštine KJP ZOI'84 Olimpijski centar d.o.o. Sarajevo. Obrazloženje: Skupština Kantona Sarajevo na sjednici održanoj 31.01.2018.godine donijela je zaključak o neusvajanju izvještaja o poslovanju KJP ZOI'84 Sarajevo. S obzirom da u skladu s odredbama člana 7. Odluke o osnivanju Skupština javnih preduzeća čiji je osnivač Kanton Sarajevo razrješuje predsjedništvo i članove Skupštine KJP mogu pokrenuti resorni ministar, Vlada Kantona Sarajevo i Skupština Kantona Sarajevo. Te imajući u vidu činjenicu da ni resorni ministar, ni Vlada nisu pokrenuli

navedenu inicijativu, Klub Samostalnih zastupnika u Skupštini Kantona Sarajevo pokreće istu. Molimo Skupštinu Kantona Sarajevo da se izjasni o predmetnoj inicijativi. Hvala.”

Zastupnik Amar Dovadžija je podnio sljedeće:

“Zahvaljujem predsjedavajuća. Selamim i pozdravljam sve prisutne kao i gledaoce pored TV ekrana. Ja imam jedno pitanje i dvije inicijative. Pitanje upućujem Vladi Kantona Sarajevo. Na prethodnoj sjednici Skupštine Kantona Sarajevo uputio sam inicijativu za donošenje odluke Skupštine Kantona Sarajevo međutim rečeno je da prvo treba da se očituje Vlada koja se odnosi na KJP “Sarajevo-šume”, tačnije na eksproprijaciju zemljišta u iznosu oko 160 duluma zemljišta kojim gospodari KJP “Sarajevo-šume”. Evo nešto više od mjesec dana proteklo je, Vlada se koliko znam, nije očitovala pa volio bih da mi se odgovori zašto ova inicijativa nije došla i nije uvrštena dnevni red Vlade. Inicijativu također podnosim prema Kantonalnoj upravi za inspeksijske poslove Kantona Sarajevo. Podnosim inicijativu prema KUIP Kantona Sarajevo da na prvoj narednoj redovnoj sjednici Skupštine Kantona Sarajevo Skupštini Kantona Sarajevo dostavi detaljan inspeksijski izvještaj svih inspeksijskih kontrola koje je pomenuta uprava izvršila u KJP ZOI’84 d.o.o. Sarajevo, počevši od 31.12.2016.godine pa sve do današnjeg dana tj 05.03.2018.godine. Također upućujem inicijativu prema Vladi Kantona Sarajevo. Primjetno je da je sve veći broj onih koji konzumiraju duhan i duhanske proizvode ne vodeći računa niti o vremenu niti o mjestu konzumiranja istih. Tako ćemo primijetiti nemal broj roditelja da u vremenu dok čekaju svoju dječicu u dvorištima JU predškolskog i osnovnog obrazovanja Kantona Sarajevo konzumiraju duhan i duhanske proizvode te tako narušavaju svoje zdravlje i zdravlje svoje djece a samim tim i zdravlje druge djece. Uzimajući u obzir štetnost duhana i duhanskih proizvoda kako po zdravlje odraslih osoba, još više po zdravlje maloljetnih osoba, podnosim inicijativu prema Vladi Kantona Sarajevo da se na svim JU predškolskog, osnovnog i srednjeg obrazovanja Kantona Sarajevo kao i u dvorištima istih postave table i naljepnice zabranjeno pušenje te da se sankcionišu oni koji pomenuto budu kršili. Hvala.”

Zastupnik Fikret Prevljak je podnio sljedeće:

“Hvala predsjedavajuća. Sve prisutne i naše gledaoce želim da poselamim i da vas pozdravim. Tražim odgovor od Vlade i Antikorupcijskog tima od Tužilaštva da mi da informaciju o direktoru Direkcije cesta Drnda Nerminu, od kada se znalo, odnosno primila saznanja o uzimanju mita. Što se tiče direktora, zna se da je predložen od Opštinske organizacije Ilidža i ja sam evo skoro godinu dana tražio da se postavi na tu dužnost koju je obnašao kao vd. Ako se to znalo taj duži period, šta se čekalo do sada i ko je prikrivao to saznanje u kantonu? I ja bih zamolio samo još jednu opasku da mi kao zastupnici ružnu poruku šaljemo građanima i ljudsku i moralnu kada govorimo o ljudima i direktorima da su lopovi, kriminalci, bez presude i dokaza jer stvarno to je haram nam dok se ne dokaže. Hvala.”

Odgovore na zastupnička pitanja su dali: premijer Elmedin Konaković, ministar finansija Jasmin Halebić, ministar za obrazovanje, nauku i mlade Elvir Kazazović, ministar saobraćaja Mujo Fišo, ministrica zdravstva Zilha Ademaj, ministar privrede Muharem Šabić.

Skupština se izjasnila o inicijativi Kluba samostalnih zastupnika koji su tražili da se pokrene procedura za razrješenje članova Skupštine Javnog preduzeća KJP ZOI’84 “Olimpijski centar Sarajevo” d.o.o. Sarajevo.

Skupština je većinom glasova (19 “za”, 7 “suzdržanih” i 4 “protiv”) usvojila inicijativu: “Za razrješenje predsjednika članova Skupštine KJP ZOI’84 “Olimpijski centar Sarajevo” d.o.o. Sarajevo.

Sumnju u glasanje izrazio je zastupnik Mirza Čelik.

Po ovlaštenju sekretar Almira Kulovac Šetkić provodi pojedinačno izjašnjavanje

1. Ademović Kemal – ZA
2. Akšamija Goran - ZA
3. Aljović Hamed - PROTIV
4. Babić Ana – ZA
5. Bajrović Izudin - OPRVADNO ODSUTAN
6. Bjelak Nermin - PROTIV
7. Bukva Sejo - ZA
8. Čelik Mirza - PROTIV
9. Čomor Eldar - ODSUTAN
10. Ćudić Sabina - ZA
11. Delalić Sabahudin – SUZDRŽAN
12. Dizdarević Neira – ZA
13. Dovadžija Amar - SUZDRŽAN
14. Filipović Selma – SUZDRŽANA
15. Forto Edin - ZA
16. Halilović Semir - ZA
17. Kerla Bibija - ZA
18. Kojović Predrag - ZA
19. Kozadra Muhamed – ZA
20. Lakota Rasim - SUZDRŽAN
21. Marić Zvonko - SUZDRŽAN
22. Mašović Amor - ODSUTAN
23. Mehmedagić Mersiha – ZA
24. Mekić Amel – ZA
25. Mešanović Safet - PROTIV
26. Okerić Elvedin – ZA
27. Pecikoza Fahrudin – OPRAVDANO ODSUTAN
28. Pindžo Mirsad - ZA
29. Pleho Haris - ODSUTAN
30. Prevljak Fikret - PROTIV
31. Rađo Dževad - SUZDRŽAN
32. Smajić Rasim - SUZDRŽAN
33. Srna-Bajramović Segmedina - ZA
34. Šućur Slaviša - ZA
35. Vukasović Mario – ZA

NAKON POJEDINAČNOG IZJAŠNJAVANJA KONSTATOVANO JE DA JE SKUPŠTINA SA 18 “ZA” I 6 “SUZDRŽANIH” USVOJILA PREDLOŽENU INICIJATIVU.

Nakon usvajanja navedene inicijative uslijedila je realizacija sljedeće tačke dnevnog reda.

AD – 2.

UTVRĐIVANJE DATUMA ODRŽAVANJA SJEDNICE SKUPŠTINE KANTONA SARAJEVO U VEZI PRIJEDLOGA ZA GLASANJE O NEPOVJERENJU VLADI KANTONA SARAJEVO

Predsjedateljica je pozvala predstavnika potpisnika Prijedloga da predloži termin za održavanje sjednice Skupštine Kantona Sarajevo za glasanje o nepovjerenju Vladi.

Mirza Čelik se kao predstavnik potpisnika obratio Skupštini:

“Grupa zastupnika, 1/3 je pokrenula inicijativu za glasanje o nepovjerenju Vladi i dostavila to u skupštinsku proceduru. Ja ću navesti koji su to zastupnici potpisali jer se spekuliše da je bilo 13 potpisa, ja kažem da je bilo 12. i pročitat ću zastupnike koji su potpisali ovu inicijativu
Čelik Mirza, Delalić Sabahudin, Aljović Hamed, Mešanović Safet, Dovadžija Amar, Prevljak Fikret, Rađo Dževad, Rasim Lakota, Rasim Smajić, Bjelak Nermin, Selma Filipović i Semir Halilović. Na osnovu člana 226 Poslovnika Skupštine Kantona Sarajevo („Službene novine Kantona Sarajevo“ broj 41/12 drugi novi prečišćeni tekst i broj 15/13, 47/13, 47/15 i 48/16) Skupština Kantona Sarajevo na sjednici održanoj 05.03.2018.godine povodom razmatranja datuma održavanja sjednice Skupštine Kantona Sarajevo u vezi prijedloga za glasanje o nepovjerenju Vladi Kantona Sarajevo donijela je zaključak: Sjednica Skupštine Kantona održat će se dana u petak 09.03.2018 u 10,00 sati sa jednom tačkom dnevnog reda i to:

1. Prijedlog za glasanje o nepovjerenju Vladi Kantona Sarajevo.

U diskusiji koja je uslijedila učestvovali su sljedeći zastupnici/zastupnice: Predrag Kojović, Mirza Čelik, Mirsad Pindžo, Semir Halilović, Sabina Ćudić, Slaviša Šućur, Zvonko Marić i Kemal Ademović.

PREDSJEDATELJICA JE PREDLOŽILA DA SKUPŠTINA PO PRIJEDLOGU PREDSTAVNIKA POTPISNIKA PRIJEDLOGA ZA GLASANJE O NEPOVJERENJU VLADI KANTONA SARAJEVO, POTPISAN OD STRANE 12 ZASTUPNIKA U SKUPŠTINI KANTONA SARAJEVO I NAKON IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (24 "ZA", 4 "PROTIV" I 4 "SUZDRŽANA") DONIJELA SLJEDEĆI

ZAKLJUČAK:

Utvrđuje se termin održavanja sjednice Skupštine Kantona Sarajevo za dan 19.03.2018.godine u 10,00 sati. sa jednom tačkom dnevnog reda, i to:

1. Prijedlog za glasanje o nepovjerenju Vladi Kantona Sarajevo.

Zastupnik Mirsad Pindžo je izrazio sumnju u glasanje pa je sekretarka Skupštine Almira Kulovac Šetkić provela pojedinačno izjašnjavanje:

1. Ademović Kemal – PROTIV
2. Akšamija Goran - SUZDRŽAN
3. Aljović Hamed - ZA
4. Babić Ana – ZA
5. Bajrović Izudin - OPRVADNO ODSUTAN
6. Bjelak Nermin – ZA
7. Bukva Sejo - SUZDRŽAN
8. Čelik Mirza - ZA
9. Čomor Eldar - ZA
10. Ćudić Sabina - ZA
11. Delalić Sabahudin – ZA

12. Dizdarević Neira – ZA
13. Dovadžija Amar - ZA
14. Filipović Selma – ZA
15. Forto Edin - ZA
16. Halilović Semir - ZA
17. Kerla Bibija - ZA
18. Kojović Predrag - ZA
19. Kozadra Muhamed – ZA
20. Lakota Rasim - ZA
21. Marić Zvonko - ZA
22. Mašović Amor - ODSUTAN
23. Mehmedagić Mersiha – SUZDRŽANA
24. Mekić Amel –PROTIV
25. Mešanović Safet - ZA
26. Okerić Elvedin – PROTIV
27. Pecikoza Fahrudin – SUZDRŽAN
28. Pindžo Mirsad - SUZDRŽAN
29. Pleho Haris - ZA
30. Prevljak Fikret - ZA
31. Rađo Dževad - ZA
32. Smajić Rasim - ZA
33. Srna-Bajramović Segmedina - ZA
34. Šućur Slaviša - ZA
35. Vukasović Mario – ZA

NAKON POJEDINAČNOG IZJAŠNJAVANJA KONSTATOVANO JE DA JE SKUPŠTINA DONIJELA ODLUKU O ODRŽAVANJU SJEDNICE 19.03.2018.GODINE U 10,00 SATI VEĆINOM GLASOVA (25 "ZA", 3 "PROTIV" I 5 "SUZDRŽANO").

AD – 3.

NACRT STRATEGIJE PREMA MLADIMA KANTONA SARAJEVO ZA PERIOD 2018.-2022. GODINA

Uvodne napomene podnio je ministar za obrazovanje, nauku i mlade Elvir Kazazović.

Nakon uvodnih napomena otvorena su pitanja i diskusija, a prijavljeni diskutanti su bili zastupnik Mario Vukasović i zastupnica Mersiha Mehmedagić.

Nakon diskusije, predsjedateljica je predložila, a Skupština je po Nacrtu strategije prema mladima Kantona Sarajevo za period 2018.-2022. godina jednoglasno (24 "za) donijela sljedeće

ZAKLJUČKE:

1. Utvrđuje se Nacrt strategije prema mladima Kantona Sarajevo za period 2018.-2022. godina;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajeće 30 dana,

3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga strategije prema mladima Kantona Sarajevo za period 2018.-2022. godina.

AD – 4.

NACRT STRATEGIJE ZA UKLJUČIVANJE DJECE SA POTEŠKOĆAMA U RAZVOJU U OBRAZOVANJE SA SEDMOGODIŠNJIM PLANOM IMPLEMENTACIJE U KANTONU SARAJEVO

Uvodne napomene podnio je ministar za obrazovanje, nauku i mlade Elvir Kazazović.

Diskutanti po ovoj tački dnevnog reda bili su zastupnica Neira Dizdarević, zastupnik Semir Halilović, zastupnica Mersiha Mehmedagić, zastupnica Sabina Ćudić, zastupnica Segmedina Srna Bajramović i zastupnik Zvonko Marić. Komentar i odgovore na pitanja zastupnika dao je ministar za obrazovanje, nauku i mlade Elvir Kazazović.

Nakon diskusije, ministar za obrazovanje, nauku i mlade Elvir Kazazović donio je odluku da povuče ovaj dokument kako bi se razmotrio još jednom prije nego dođe na Skupštinu.

AD – 5.

PRIJEDLOG ODLUKE O DAVANJU SAGLASNOSTI NA PROGRAM RADA I FINANSIJSKI PLAN FONDA KANTONA SARAJEVO ZA IZGRADNJU I OČUVANJE GROBALJA ŠEHIDA I POGINULIH BORACA, MEMORIJALNIH CENTARA I SPOMEN-OBILJEŽJA ŽRTAVA GENOCIDA ZA 2018.GODINU

Prijedlog odluke su zastupnici dobili uz poziv za sjednicu.

Zastupnici nisu iskazali potrebu za uvodnim napomenama od strane predlagača a prijavljenih za diskusiju i pitanja nije bilo.

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA I FINANSIJSKI PLAN FONDA KANTONA SARAJEVO ZA IZGRADNJU I OČUVANJE GROBALJA ŠEHIDA I POGINULIH BORACA, MEMORIJALNIH CENTARA I SPOMEN-OBILJEŽJA ŽRTAVA GENOCIDA ZA 2018.GODINU.

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (24 “ZA”) DONIJELA OVU ODLUKU.

AD - 6.

PRIJEDLOG ODLUKE O PRISTUPANJU IZRADI PROSTORNOG PLANA PODRUČJA POSEBNOG OBILJEŽJA “REGIONALNI CENTAR ZA UPRAVLJANJE OTPADOM (RCUO) – SMILJEVIĆI”

Prijedlog odluke su zastupnici dobili uz poziv za sjednicu.

Po ovoj tački dnevnog reda nije bilo prijavljenih za diskusiju i pitanja pa je odmah uslijedilo izjašnjavanje.

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O PRISTUPANJU IZRADI PROSTORNOG PLANA PODRUČJA POSEBNOG OBILJEŽJA “REGIONALNI CENTAR ZA UPRAVLJANJE OTPADOM (RCUO) – SMILJEVIĆI”.

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (26 “ZA”) DONIJELA OVU ODLUKU.

AD -7.

PRIJEDLOG ODLUKE O DAVANJU SAGLASNOSTI ZA POTPISIVANJE UGOVORA O KUPOPRODAJI NEKRETNINA PUTEM NEPOSREDNE POGODBE SA IPSA INSTITUTOM D.O.O SARAJEVO U SVRHU OBLIKOVANJA GRAĐEVINSKE PARCELE

Prijedlog odluke su zastupnici dobili uz poziv za sjednicu.

Uvodne napomene podnio je Dragan Ivanović ispred Zavoda za izgradnju Kantona Sarajevo.

Diskutanti po ovoj tački dnevnog reda bili su zastupnik Zvonko Marić i zastupnik Mirsad Pindžo. U diskusiju se uključio i premijer Elmedin Konaković.

PREDSJEDATELJICA JE ZAKLJUČILA DISKUSIJU I POZVALA ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA POTPISIVANJE UGOVORA O KUPOPRODAJI NEKRETNINA PUTEM NEPOSREDNE POGODBE SA IPSA INSTITUTOM D.O.O SARAJEVO U SVRHU OBLIKOVANJA GRAĐEVINSKE PARCELE.

NAKON IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (20 “ZA”, 7 “PROTIV” I 2 “SUZDRŽANA”) DONIJELA OVU ODLUKU.

SUMNJU U GLASANJE JE IZRAZIO ZASTUPNIK MIRZA ČELIK PA JE SEKRETARKA ALMIRA KULOVAC ŠETKIĆ PROVELA POJEDINAČNO IZJAŠNJAVANJE:

1. Ademović Kemal – ZA
2. Akšamija Goran - ZA
3. Aljović Hamed - ODSUTAN
4. Babić Ana – SUZDRŽANA

5. Bajrović Izudin - OPRVADNO ODSUTAN
6. Bjelak Nermin - SUZDRŽAN
7. Bukva Sejo - ZA
8. Čelik Mirza - SUZDRŽAN
9. Čomor Eldar - PROTIV
10. Ćudić Sabina - ZA
11. Delalić Sabahudin – PROTIV
12. Dizdarević Neira – ZA
13. Dovadžija Amar - PROTIV
14. Filipović Selma – SUZDRŽANA
15. Forto Edin - ZA
16. Halilović Semir - ZA
17. Kerla Bibija - ZA
18. Kojović Predrag - ZA
19. Kozadra Muhamed – PROTIV
20. Lakota Rasim - SUZDRŽAN
21. Marić Zvonko - SUZDRŽAN
22. Mašović Amor - ODSUTAN
23. Mehmedagić Mersiha – ZA
24. Mekić Amel – ZA
25. Mešanović Safet - ODSUTAN
26. Okerić Elvedin – ZA
27. Pecikoza Fahrudin – ZA
28. Pindžo Mirsad - ZA
29. Pleho Haris - SUZDRŽAN
30. Prevljak Fikret - PROTIV
31. Rađo Dževad - SUZDRŽAN
32. Smajić Rasim - SUZDRŽAN
33. Srna-Bajramović Segmedina - ZA
34. Šućur Slaviša - ZA
35. Vukasović Mario – ZA

NAKON POJEDINAČNOG IZJAŠNJAVANJA KONSTATOVANO JE DA SKUPŠTINA NIJE DONIJELA (17 “ZA, 5 “PROTIV” I 9 “SUZDRŽANO”) OVU ODLUKU.

AD – 8.

PRIJEDLOG ODLUKE O UTVRĐIVANJU POSTOJANJA JAVNOG INTERESA ZA OSNIVANJE JAVNE USTANOVE “JEDANAESTA OSNOVNA ŠKOLA“ ILIDŽA

Prijedlog odluke su zastupnici dobili uz poziv za sjednicu.

Uvodne napomene podnio je ministar za obrazovanje, nauku i mlade Elvir Kazazović i nakon njegovog izlaganja jedini diskutant je bio zastupnik Semir Halilović.

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PRIJEDLOGU O ODLUKU O UTVRĐIVANJU POSTOJANJA

JAVNOG INTERESA ZA OSNIVANJE JAVNE USTANOVE “JEDANAESTA OSNOVNA ŠKOLA“ ILIDŽA.

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO (27 “ZA”) DONIJELA OVU ODLUKU.

AD – 9.

PRIJEDLOG ODLUKE O STAVLJANJU VAN SNAGE ODLUKE O IZMJENI NAZIVA OSNOVNOJ ŠKOLI NA PODRUČJU OPĆINE NOVI GRAD ("SLUŽBENE NOVINE KANTONA SARAJEVO, 44/16")

Prijedlog odluke su zastupnici dobili uz poziv za sjednicu.

Predstavnik Predlagača zastupnik Predrag Kojović je podnio uvodne napomene. Nakon njegovog obraćanja uslijedila je diskusija u kojoj su učestvovali predsjedateljica Ana Babić, zastupnica Sabina Ćudić, zastupnik Kemal Ademović, , zastupnik Mario Vukasović, zastupnik Dževad Rađo, zastupnik Amar Dovadžija, zastupnik Rasim Smajić, zastupnik Slaviša Šućur, zastupnica Bibija Kerla, zastupnik Safet Mešanović, zastupnik Goran Akšamija i zastupnik Nermin Bjelak.

NAKON DISKUSIJE, PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O STAVLJANJU VAN SNAGE ODLUKE O IZMJENI NAZIVA OSNOVNOJ ŠKOLI NA PODRUČJU OPĆINE NOVI GRAD ("SLUŽBENE NOVINE KANTONA SARAJEVO, 44/16").

NAKON IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (18 “ZA”, 5 “PROTIV” I 3 “SUZDRŽANA”) DONIJELA OVU ODLUKU.

Po ovlaštenju sekretar Almira Kulovac Šetkić provodi pojedinačno izjašnjavanje

1. Ademović Kemal – ODSUTAN
2. Akšamija Goran – ZA
3. Aljović Hamed – PROTIV
4. Babić Ana – ZA
5. Bajrović Izudin - OPRVADNO ODSUTAN
6. Bjelak Nermin – SUZDRŽAN
7. Bukva Sejo – ZA
8. Čelik Mirza – ODSUTAN
9. Čomor Eldar – PROTIV
10. Ćudić Sabina – ZA
11. Delalić Sabahudin – ODSUTAN
12. Dizdarević Neira – ZA
13. Dovadžija Amar – PROTIV
14. Filipović Selma – ZA
15. Forto Edin – ZA
16. Halilović Semir – ZA
17. Kerla Bibija – ZA
18. Kojović Predrag – ZA

19. Kozadra Muhamed – ODSUTAN
20. Lakota Rasim – ZA
21. Marić Zvonko – ZA
22. Mašović Amor – ODSUTAN
23. Mehmedagić Mersiha – ZA
24. Mekić Amel – SUZDRŽAN
25. Mešanović Safet – PROTIV
26. Okerić Elvedin – PROTIV
27. Pecikoza Fahrudin – ODSUTAN
28. Pindžo Mirsad – ZA
29. Pleho Haris – ODSUTAN
30. Prevljak Fikret – PROTIV
31. Rađo Dževad – ZA
32. Smajić Rasim – SUZDRŽAN
33. Srna-Bajramović Segmedina – ZA
34. Šućur Slaviša – ZA
35. Vukasović Mario – ZA

NAKON POJEDINAČNOG IZJAŠNJAVANJA TAKOĐER JE KONSTATOVANO DA JE SKUPŠTINA VEĆINOM GLASOVA (18 “ZA”, 6 “PROTIV” I 3 “SUZDRŽANA”) DONIJELA OVU ODLUKU.

AD – 10.

PRIJEDLOG ODLUKE O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I MEĐUNARODNE ASOCIJACIJE ZA RAZVOJ (IDA) ZA REALIZACIJU PROJEKTA „ENERGETSKA EFIKASNOST ZA BIH“

Prijedlog odluke su zastupnici dobili u dopunskom materijalu.

Uvodne napomene podnio je ministar finansija Jasmin Halebić. Po ovoj tački dnevnog reda nije bilo prijavljenih diskutanata.

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I MEĐUNARODNE ASOCIJACIJE ZA RAZVOJ (IDA) ZA REALIZACIJU PROJEKTA „ENERGETSKA EFIKASNOST ZA BIH“.

NAKON IZJAŠNJAVANJA PREDSJEDATELJICA JE KONSTATovala DA JE SKUPŠTINA JEDNOGLASNO (19 “ZA”) DONIJELA OVU ODLUKU.

AD – 11.

**INFORMACIJA O STEPENU REALIZACIJE SKUPŠTINSKIH ZAKLJUČAKA ZA
ČIJU JE REALIZACIJU ZADUŽENA VLADA KANTONA SARAJEVO;**

a) Informacija Uprave KJP “VIK” za period od 20.01.2018 – 28.02.2018. godine

Uvodne napomene podnio je ministar komunalne privrede i infrastrukture Senad Hasanspahić. Jedini diskutant po ovoj tački dnevnog reda bio je zastupnik Mirsad Pindžo.

- 0 -

S obzirom da su iscrpljene sve tačke Dnevnog reda predsjedateljica Ana Babić je zaključila rad na 38. Radnoj sjednici Skupštine Kantona Sarajevo.

Zapisnik izradila:

Jasminka Deliahmetović

Po ovlaštenju

S E K R E T A R

SKUPŠTINE KANTONA SARAJEVO

Almira Kulovac Šetkić, dipl. Pravnik

P R E D S J E D A T E L J I C A

SKUPŠTINE KANTONA SARAJEVO

Prof. Ana Babić